



---

## **ADRODDIAD I FWRDD UCHELGAIS ECONOMAIDD GOGLEDD CYMRU**

### **27 o Hydref 2023**

---

**TEITL:** Cynllun Twf Gogledd Cymru – Adroddiad Perfformiad a Risgiau Chwarter 2  
**AWDUR:** Hedd Vaughan-Evans, Pennaeth Gweithrediadau

---

#### **1. PWRPAS YR ADRODDIAD**

- 1.1. Pwrpas yr adroddiad yw cyflwyno adroddiad Chwarter 2 (Gorffennaf – Medi) y Cynllun Twf a Chofrestr Risg y Portffolio wedi'i diweddarau.
- 1.2. Mae adrodd chwarterol ar gynnydd yn erbyn Cynllun Twf Gogledd Cymru yn un o ofynion Cytundeb Terfynol y Cynllun Twf. Yn dilyn ystyriaeth gan Fwrdd Uchelgais Economaidd Gogledd Cymru, caiff yr adroddiadau eu rhannu gyda Llywodraeth Cymru, Llywodraeth y DU a phwyllgorau craffu'r awdurdodau lleol.

#### **2. Y PENDERFYNIAD A GEISIR**

- 2.1. Bod y Bwrdd yn ystyried ac yn nodi Adroddiad Perfformiad Chwarter 2 a Chofrestr Risg y Portffolio wedi'i diweddarau.
- 2.2. Bod y Bwrdd yn cymeradwyo cyflwyno Adroddiad Perfformiad Chwarter 2 i Lywodraeth Cymru a Llywodraeth y DU, ynghyd â phwyllgorau craffu'r awdurdodau lleol.

#### **3. Y RHESYMAU DROS Y PENDERFYNIAD**

- 3.1. Fel sydd wedi'i nodi yn yr adroddiad.

#### **4. CEFNDIR AC YSTYRIAETHAU PERTHNASOL**

- 4.1. Ym mis Rhagfyr 2020, fe wnaeth y Bwrdd Uchelgais a Llywodraethau Cymru a'r DU gytuno ar y Cytundeb Terfynol ar gyfer Cynllun Twf Gogledd Cymru.
- 4.2. Mae adrodd rheolaidd ar gynnydd yn erbyn Cynllun Twf Gogledd Cymru yn un o ofynion Cytundeb Terfynol y Cynllun Twf.
- 4.3. Mae dau atodiad i'r adroddiad hwn:
  - Cynllun Twf Gogledd Cymru - Adroddiad Perfformiad Chwarter2
  - Cofrestr Risg y Portffolio – Medi 2023
- 4.4. Cynllun Twf Gogledd Cymru - Adroddiad Perfformiad Chwarter 2
  - 4.4.1. Mae adroddiad perfformiad Chwarter 2 yn darparu trosolwg o gynnydd ar raglenni a phrosiectau'r Cynllun Twf.

- 4.4.2. Yn ystod y chwarter hwn, cafodd 5 prosiect ei gwahodd i ymuno gyda'r Cynllun Twf:
- Prosiect Anturiaethau Cyfrifol gan Zip World gyda dyraniad amodol o £6.2m
  - Prosiect Stiwdio Kinmel gan Stage Fifty gyda dyraniad amodol o £6.8m
  - Prosiect Hwb Hydrogen Caergybi gan Menter Môn gyda dyraniad amodol o £3.8m
  - Prosiect Gwastraff i Danwydd Glannau Dyfrdwy gan The Circular Economy Ltd gyda dyraniad amodol o £6.4m
  - Prosiect Porth Wrecsam gan Cyngor Bwrdeistrefol Wrecsam gyda dyraniad amodol o £4.79m

Mae gwaith ar y gweill i anwytho prosiectau newydd, ac ymweliadau safle wedi ei trefnu i'r 5 prosiect. Bydd y prosiectau newydd yn cefnogi ein economi i ffynnu, creu swyddi newydd ac denu buddsoddiad i mewn i Ogledd Cymru.

- 4.4.3. Roedd y dyddiad cau i dderbyn ceisiadau ar gyfer yr Her Ariannwr Hydrogen ar yr 11eg o Fedi. Mae'r broses werthuso ar y gweill, gyda penderfyniad terfynol yn ddisgwyliedig yn Rhagfyr 2023. Mae £11.2 miliwn o gyfalaf ar gael i alluogi'r galw am hydrogen yn y diwydiant.

- 4.4.4. Mae diweddariad Chwarter 2 yn dangos prosiectau yn adrodd yn erbyn proffil cyflawni diwygiedig y portffolio. Mae pum prosiect yn adrodd yn goch ar hyn o bryd naill yn sgil risgiau i sgôp y prosiectau, neu oedi sylweddol i amserlenni'r prosiectau:

- Cysylltu yr Ychydig % Olaf – Mae gweithgaredd caffael ar y prosiect wedi'i atal nes bod Llywodraeth y DU yn cadarnhau dyddiad lansio ei hymyrraeth newydd, disgwylir iddo gael ei gadarnhau yn Ch3 23/24 i'w lansio yn 2024. Mae'n bosibl bydd ymyrraeth Llywodraeth y DU yn tynnu yr angen am y prosiect Cysylltu yr Ychydig % Olaf.
- Porth y Gorllewin, Wrecsam – mae angen adolygiad o'r prosiect i asesu'r gwaith o'i gyflawni gan ystyried y Panel Adolygu Ffyrdd a phedwar prawf Llywodraeth Cymru ar gyfer buddsoddiad priffyrdd.
- Cyn Ysbyty Gogledd Cymru - mae'r bwloch hyfywedd ar y prosiect wedi cynyddu, mae trafodaethau yn parhau gyda'r partner datblygu i drafod atebion posibl.
- Canolbwynt Economi Gwledig Glynllifon – caniatâd cynllunio eto i'w sicrhau. Fel rhan o'r cyngor cyn cynllunio argymhellwyd fod angen arolygon ystlumod ar dir tu allan i ffin Glynllifon. Mae gwaith arolygu ar y gweill yn unol â chais Cyfoeth Naturiol Cymru a CADW.
- Canolfan Biotechnoleg Amgylcheddol – mae'r prosiect yn parhau yn goch oherwydd oedi cyson. Mae'r prosiect nawr yn symud mewn cyfeiriad cadarnhaol a disgwylir achos fusnes yn gynnar yn 2024.

#### 4.5. Cofrestr Risg y Portffolio – Medi 2023

- 4.5.1. Caiff Cofrestr Risg y Portffolio ei diweddarau'n rheolaidd gan y Swyddfa Rheoli Portffolio a'i hadolygu gan y Bwrdd Portffolio a Bwrdd Uchelgais Economaidd Gogledd Cymru yn chwarterol.

- 4.5.2. Mae'r gofrestr risg wedi'i diweddarau'n llawn gyda nifer o newidiadau wedi'u cofnodi yn y dogfennau, yn cynnwys disgrifiadau risg wedi'u diwygio, sgorio a chamau lliniaru diwygiedig ac mae'r sylwadau wedi'u diweddarau ar gyfer yr holl risgiau.

- 4.5.3. Er bod y proffil risg wedi parhau'n sefydlog dros y chwarter diwethaf, mae'r proffil risg yn parhau yn uchel gyda nifer o risgiau gweddilliol coch gan gynnwys capasiti, oedi, fforddiadwyedd, buddsoddiad sector gyhoeddus a preifat, caniatáu ac amcanion gwariant.

Mae un sgôr risg gweddilliol wedi lleihau. Mae'r risg ar wireddu buddion wedi cynyddu yn sgil nifer o brosiectau yn wynebu oedi fydd yn effeithio ar amseru gwireddu buddion. Mae'r risg ar gapasiti wedi lleihau yn dilyn gwell sefyllfa refeniw.

## 5. GOBLYGIADAU ARIANNOL

- 5.1. Ni chyfyd unrhyw oblygiadau ariannol yn uniongyrchol o gymeradwyo'r penderfyniad a geisir yn yr adroddiad hwn.
- 5.2. Mae'r proffil cyflawni a gwariant diwygiedig a gymeradwywyd gan y Bwrdd wedi'i gynnwys yn yr adroddiad chwarterol.

## 6. GOBLYGIADAU CYFREITHIOL

- 6.1. Ni chyfyd unrhyw oblygiadau cyfreithiol uniongyrchol o'r adroddiad hwn.
- 6.2. Mae adrodd rheolaidd ar berfformiad y Cynllun Twf yn rhan o'r fframwaith llywodraethu y cytunwyd arno ac yn un o ofynion allweddol Cytundeb Terfynol y Cynllun Twf.

---

### ATODIADAU:

<b>Atodiad 1</b>	Cynllun Twf Gogledd Cymru - Adroddiad Perfformiad Chwarter 2
<b>Atodiad 2</b>	Cofrestr Risg y Portffolio – Medi 2023

---

### YMATEB Y SWYDDOGION STATUDOL:

**i. Swyddog Monitro - Awdurdod Lletya:**

“Un o brif dasgau'r Bwrdd Uchelgais yw monitro cynnydd a risgiau. Mae angen i'r Bwrdd ystyried y gofrestr a bodloni ei hun ei bod yn adlewyrchu'r statws risg yn gywir a bod camau lliniaru yn derbyn sylw”

**ii. Swyddog Cyllid Statudol (Swyddog Adran 151 yr Awdurdod Lletya):**

“Rwyf yn fodlon fod yr adroddiad yn adlewyrchiad teg o sefyllfa ariannol Uchelgais Gogledd Cymru yn ystod chwarter 2. Ni fydd gweithredu'r penderfyniad a geisir yn creu ymrwymiad ariannol newydd.”